

500 DEO OPTIMO MAX.

83

UNI ET TRINO,
VIRGINI DEI-PARÆ, ET S. LUCÆ,
Orthodoxorum Medicorum Patrono.

QUÆSTIO MEDICA,

QUOD LIBETARIIS DISPUTATIONIBUS

manē discutienda in Scholis Medicorum, die Jovis decimā mensis

Januarii. An. Domini M. DCC. LXXI.

non fuit probata. & Decant.

M. CLAUDIO-THOMA-GUILLELMO GUILBERT
DE PREVAL, Doctore Medico, Præside.

An Amor venereus, sextus sensus?

I.



OMINI tūm pro vitā tuendā, tum pro voluptate percipien-
da, facultates, organa, sensus benignē natura concessit. His,
tanquam variis instrumentis, lapidibusque lydiis instructus ex-
teriora explorare, ingrata fugere, grata prosequi, assignes di-
versimodas obire potis est. Inter hæc pleraque beneficia adau-
merandi sunt sensus, quorum ope omnium rerum sensibi-
lium homo fit capax & conscius. Exteriores vulgò numero quinque, suis instru-
mentis præditi, in diversis anterioribusque corporis partibus opportunè positi
prodeunt. Ex his quatuor in capite, tanquam in arce collocati, rerum exter-
narium nuntii interpretesque de objectorum ambientium motu, figura, mole,
colore, distantia, odoribus, saporibus, sonisque certiore faciunt. Tactūs sen-
suum, omni corporis superficie diffusum, totum quasi colligitur in digitorum apice.
Sensuum instrumente pro necessitati bonique perceptione, citius aut tardius per-
ficiuntur. Sic lingua, gustūs instrumentum, unā cum aere & labiis anti-
mentis aspirantisque vices gerens, è papilla mamillari lac sugens, sensūs pri-
mam voluptatem, dulcemque alimentum infanti inscio præstat. Cæteri sensus, alii
aliorum auxiliares, sensim evolvuntur in pueritia; in genere ad tutelam ho-
minis conservationemque, omnes, peculiariter ad unam functionem, unus, duo,
tresve simul dispositi concurrere videntur. Sic auditus ad loquelam, gustus &
olfactus ad alimentorum ingestionem, visus tactusque ad corporis defensionem
præcipuè instituti videntur.

Sed non suffecerat, naturæ instituto, hominem his sensoriis propriæ conservationi dicatis muniisse, requirebatur ut cum perfectionem corpus attigisset, pro specie propaganda, similisque reproductione aliis instrumentis muniretur. Hinc novus partium apparatus, alterius compaginis explicatio. Si puella, ampliatur pelvis, fororiantur mammae, partes generationi deditæ, antea plerumque rudes, crassæ, inexplicatæ, nunc osium pelvis recessu ad latera, attenuantur explicantur, &c. ex uteri sinu erumpit latex sanguineus, puella salutatur nubilus, fit apta viro. Si mas, vox adhuc gracilis, dubia, rauescit, fit audax & virilis; testes, si incarcerati, nunc foras protruduntur; penis triplici tubo, spongiosaque substantia constans extenditur: mentum regionibus nostris lanugine obumbratur: audacia virilis, membrorum torositas, robor seminis proliferi præsentiam, vim, præstantioremque sexum indicant. Adest boni obscura perceptio; uterque sexus inscius, mox natura magistro, ruit in amplexus venereos.

Ex mutuo amplexu, novum quasi emergit corpus, nova compages, peculiaris functio. Utriusque enim sexus ita confunduntur partes, ita ordinantur, ut uterus cum ventriculo, urethræ viri fistula cum œsophago, pars urethræ in qua colligitur, conquassatur humoreque prostatico miscetur semen virile, cum oris cavitatem, testes cum parotidibus; prostaticæ, Cowperianæ, Littrique glandulæ cum maxillaribus, sublingualibus, œsophageis, muscutorum actio qua colligitur conquassaturque semen virile cum maxillarum actione, feminis in uterum emissio cum deglutitione, quin ipsum semen virile spiritibus dives cum saliva ipsa quodammodo comparari possint. Et si naturæ in partibus efformandis, reproducendisque unus idemque sit modus; non à verosimili abhorret quin uterus per consensum, ut ventriculo suas, potentias erigat: alter generationis, alter digestionis officina; utrique perficiendæ varia instrumenta, sensus peculiare, mechanici physicique motus, glandularum apparatus, humorum secretio, affluxus, miscella, fermentum, officinæ clausura, intus calor, labor, succi nutritii efformatio, tandem chylo sicut lacti receptaculum, tandem solidi residui mechanica expulsio. Sed magnum inter hæc analogiæ specimen à sensibus peculiaribus utrique concessis eruitur: nam sicut olfactus, gustus sitis & fames ad unum concurrunt, sic sensus veneris, affectus eroticus, nymphomania, hystermania, diversi quidam appetitus, fami aut siti haud dissimiles, utero aliisque partibus ipsius domini concessis, ad generationem concurrunt. Hinc novus sensuum ordo ab auctoribus non memoratus.

I I.

I NTER instrumenta hisce diacta, hæc observanda veniunt. Utrumque sexum perlustranti tibi occurrunt in foemino labia, Nymphæ, carunculæ myrtiformes, quibus adhæret unicus pellicula quæ dicitur hymen, sinus uteri, uterus, tubæ fallopianæ, ligamenta lata, rotunda, ovaria; corpora glandulosa vaginæ sulcis insita; hæc omnia humilibus diversis generis ab arteriis hypogastricis suppe-

ditatis irrigantur; nerveis expansionibus à paribus sacris, lumbaribus, magno sympathico, parietibus, vaginae rugis, ei cā os uteri praesertim distributis instructa sunt: in masculino sexu duplex testium corpus, quadruplici membrana tectum, septo medio in duo divisum; epididymis, funiculus spermaticus ex quo emergit vas deferens, vesiculae feminales, prostata: penis corpus, substantia fungosa, cellulosa triplicique tubo constans, firmis involucris extensionem limitantibus coopertum, instar radices bifurcatae ex parte inferiore ossium pubis ischiique processu, utrimque originem ducens, angulo acuto divaricatum ad symphysis ossium pubis tendens ligamentoso involucro arcuè ibi in unum coadunatur urethraeque fistulam substratam comitantemque usque ad finem accipit; Balanus, praecipua voluptatis venerae sedes, praepotio partim coopertus, ex urethrae fungosae substantiae expansione efformatus, cuticulā tenuissimā tectus, in tota superficie, praesertim coronā nerveis papillis (a) instruitur. Urethrae tunica interior, nerveis plurimis expansionibus cooperta, humoribus blandis, à glandulis prostaticis, Cowperianis, Littrii, aliisque per emissaria, lacunas in cavum hiantes irrigatur, contraque urinae acredines defenditur. Sanguinem penis corpus irrigantem ab arteriis hypogastricis cruralibusque suppeditatum ramuli venosi plures in unum, qui vena pudenda dictus, symphysis ossium pubis subjacens, coaliti remeant.

(a) Rayfch,
adv. 1. p. 14.

Penis corpus mirabili multiplicique potentia erigitur. Litterae Graecae Y inversae formam, circulo verticaliter posito inferiorique parte secto incumbentis referens, huic ita adnectitur, ut punctum adnationis in unum, circuli parti integræ superiori, quæ arcus ossium pubis dicitur, respondeat; brachia verò inferius lateraliter expansa seorsim parietibus circuli, antè puncta sectionis quæ tuberositates ossium, ischii dicuntur inferuntur. Corpus penis sic inferius divaricatum, superius unum multiplici quasi fune circuli parietibus adnectitur, diversaque parte trahitur, 1^o. uno, qui dicitur ligamentum suspensorium ad superiora; 2^o. quaternis, ex quibus duo muscoli ischiocavernosi seu erectores dicti, duo accessores, ab utraque tuberositate orti corporibusque cavernosis utrinque insiti ad latera fursumque; 3^o. uno musculo urethrae dilatatore postico dicto, binisque musculis libidinis seu bulbocavernosis acceleratoribusque dictis infra depressum, intra potentias aequales quasi aequilibrat. His positis, quacumque de causa ischiocavernosi contrahantur, tunc vena pudenda sanguinem ex penis variis locis remeans comprimitur; compressa sanguinis reditus obstat; sanguis intra corporum cavernosorum cellulas inter se communicantes colligitur; praesentia, copia sanguinis diffusi turget veretrum, adest tensio spasmodica, orgasmo venereo cretens Dilatatoris urethrae postici contractione ampliatur fistulae cavum, musculorum prostaticorum convulsivis succussionibus exprimitur per duodecim emissaria prostaticus humor, è vesiculis feminalibus per duo semen proferum; utriusque humoris fit affluxus, miscela, quaedam conquisitio. Praesentia, copia seminis proferi irritante, flagrante naturā praediti, fit major stimulus, irritatio, quandoque adest

(b) V. Noë,
at: Auli Gel.
I. XIX. c. 11,
ubi hac ver-
ba leguntur,
nam frustra
queruntur in
Hippocratis
lib. ptis.

ptyalismus, unde Hippocrates orgasmum aphrodisiacum parvam epilepsiam seu partem epilepsiæ μικράν ἐπιληψίαν (b) vocat: in hoc statu atteruntur coronæ glandis clitoridique papillæ nervæ, tensio spasmodica fit major: ad summum protrahuntur omnia: tunc muscutorum bulbo cavernosorum sphincterumque cutaneorum ani simultanea actione succussivaque, liquor congestus vi exprimitur uterique cavo, eodem orgasmo tensi, cum summa voluptate recipitur. Sic ab omni ævo reproducitur genus humanum. Post veneream actionem in utriusque sexûs mente possessionis, voluptatis, caloris, typi, blandæ mollitiæ idea novusque ex illa idearum ordo, quæ nec à tactu propriè dicto, nec à visu, auditu, &c. percipiuntur quæque à veneris sensu tantùm menti impertiuntur.

III.

SENSIBUS omnibus, seu facultatibus objecta percipiendi hoc solemne est quòd organum peculiare nerveis expansionibus instructum habeant. Nervorum organo insitorem talis est conditio ut à cerebro vel medulla spinali orti, hic aggregatim vel nudi, vel involucre tenui tecti, vel expansione latâ medullatâ, vel papillari multiplici formâ hæreant, objectaque peculiariter habeant, quorum motus, impressio, mediantibus illis sensorio communi traducantur. Hinc prævariorum objectorum incurrentium indole, figura, motu, mole; varia nervorum textura, expansio diversa. Sic papillæ nervæ obtusæ, quæ in dorso linguæ, maximè ad apicem & latera hærent vaginulis erectis porosisque inclusæ sub membrana exteriori linguæ, quasque variis experimentis solum gustus organum esse evicit Laurentius Bellini (a), contra alperitatem, acridinem caloremque defenduntur: sic papillæ pulposæ, molles, pyramidales tactui exercendo dicatæ, tenuissimâ, solidâ tamen; epidermide tectæ, in digitorum apice, contractili iterumque emissili motu gaudentes intra cuticulæ sulcos foveasque tunc defensæ deteguntur. In narium cavis humore blando, mucoso, in oculorum, aurium fundo, variis integumentis mediâtè tectæ nervæ expansiones latent. Imò spiritus quos nervorum intima percurrere supponitur diversæ indolis esse plerique autumarunt; sic Duhamel (b) puriores & quasi æthereos esse in oculis, mobiliores in aure, humore viscido irretitos in lingua, neque omni vehiculo disliti fibras nerveas membranæ mucosæ narium substratas; simplices magis & nudos existere in tactûs organo existimavit: sed hæc opinio mera hypothesis videtur; siquidem ut aliquid verisimilis statui possit, saltem requiritur ut motus leges, hoc fluido nerveo supposito insitæ noscantur. Fluidum suppositum unum idemque esse in omnibus, sed præ diversis impressionibus accipiendis, nervorum diversam esse texturam, conditionem, expansionem probabilis videtur. Modus seu motus quo objecta sensibilia mediantibus nervis cerebro transmittuntur, latet adhuc in tenebris; hanc physicam passionem fieri contiguitatis lege & ratione motu quodam undulatorio, undulationi quæ jactu lapidis percipitur in aquis simili creditur. Veteres Stoici sensuum organa, instar polypi cujusdam, cujus caput in cere-

(a) Tractatus de organo gustus.

(b) Voy. Duhamel, de corpore animato.

bro, brachia verò variis sensorii exporrecta quæque objectorum impressiones, exciperent & ad caput ipsum vel sensorium commune traducerent, sibi exhiberent; *Duhamel* tanquam instrumentum tibiis pneumaticis, varios sonos edentibus instructum, unâque potentia motum, sensuum compaginem sibi representat.

Quænam pars sentiens, impressionis capax? hoc obscurius, quiddam dixerint Neoterici, ut *Baglivi*, *Haller*, &c. An nervi fluido ignito cœti? Hoc verbis Hippocraticis consonum videtur, nam sic divus senex, *Quod calidum vocamus, id immortale mihi videtur, cunctaque intelligere, videre & audire sentireque omnia*; (c) an animæ mundi *Platonis* portio? Videant oculatiores. Quidquid sit, hoc hodiè in confesso apud omnes à sensibus omnem fieri cognitionem: hæc propositio ab Hippocrate (d) transmissa, *Carthesianis* argumentis propugnata, apud nos inconcussa manet. Unde hoc medicis sapientibusque familiare *omnis scientia fit à sensu* (e). Ut sensus objecta percipiat requiritur 1°. ut nervi, sensuum præcipua instrumenta, ab origine ulque ad expansionis locum sint integerrimi; 2°. quòd frigus exterius illos non obtundat, hebetatque. Hæ sunt præcipuæ leges sine quibus impressio, sensatio, perceptio rei sensibilis fieri nequeunt. Omnium sensuum hoc proprium quod absque aliorum ope seorsim actionem suam exerere possint. De sensorio communi, quod cerebri corpus fimbriatum *Willis* prædicat esse, tanquam locum convenientem, ubi, ut in pugillariis, sit omnium rerum sensibilibus communis impressio, non est idem consensus. His positis, omnibusque receptum quod sensus sit animalium facultas quâ objectorum sensibilibus homo fit conscius; inquirendum nobis, incumbit, an præter sensus vulgares quinque instrumentis muniti suis, sint alia sensoria exteriora quorum actione homo sit impressionum peculiarium capax, custos & conscius.

I V.

PLERIQUE auctores acri ingenio præditi, hominis sensationes, mentis operationes perscrutando, præter vulgares sensus, alios suspicati sunt: Celeberrimus *Løke* (a) hanc opinionem innuit; sed nullâ analyfi peculiari illos nec demonstrare nec enucleare suscepit. *Montagne* Gallicorum scriptorum clarissimus, nostrarum notionum limites in sensuum, aliis animalibus concessorum, penuria posuit (b), dicens, quod si homo instrumentis, numero pluribus, fuisset instructus, phænomena, quæ mentis nostræ aciem fugiunt, ab illo caperentur. Præter quinque sensus vulgares, cuius organa compage, textura peculiari exterius extructa prodeunt, sunt facultates seu sensus alii quorum sedes adhuc incerta: hinc generalis distinctio in sensus interiores exterioreque. Memoria, imaginatio, sensorium commune sensus interni dicuntur, his *Boerhaavius* (c) attentionem, animi pathemata, alii appetitum, imò sitim & famem adiecerunt; quanquam ab Hippocrate inter morbos rectè hi duo affectus annumerati fuere, dicente, *fames est morbus quiddam enim molestiam corpori offert, morbus vocatur, &c.* (d) sed hic præcipuè agitur de sensibus externis; quorum numerus vulgò ad quinque limita-

(c) Hippoc.
lib. de catul-
bus.

(d) Hippoc.
de officina
Medici, in
principio.

(e) De his
vid. Willis
de anim. bru-
tor. & senti-
bus.

(a) Essai de
l'entendement.
hum. liv. 11.

(b) Voy. Ess.
de Michel
Montagne.
l. 1. ch. 12.

(c) Boerh.
init. M. d. de
sensib. inte-
rius lib.

(d) Hippoc.
lib. de stat-
bus.

(e) An veneris sensus à tactu diversus sit affirmari conclus.

tus, ultra extenditur. Nam eisi Aristoteles unà cum Aulugellio sensum veneris tactus speciem seu tactum libidinosum esse dicant; in Thesi (e) quæ in hoc Appollinis fano propugnata fuit, ab hoc toto cœlo diversum esse demonstratum fuit. Nam sicut organum quodquæ nervorum diversâ texturâ dispositioneque gaudet, ut patet autopsiâ, si quidem in oculis expansio pulposa; in aure alia peculiaris nervi expansio ab illa diversa; in narium cauo fibrillæ tenuissimæ nervæ nudæ, membranæ mucosæ sparsè dispositæ; in lingua vaginulis inclusæ papillæ; in digitorum apice, intrâ sulcos foveasque forti cuticulâ testæ, sero quodam imbutæ, quin in superficie corporis perpendiculares, hic substratæ, elasticæque; sic in glandis superficie, papillæ à Ruyschio enucleatæ eisi pyramidales nullis vaginulis ut in lingua inclusæ, non firma cuticula ut in digitorum apice tutæ, sed valdè sensiles, tenuissima cuticula coopertæ, degustandi sapida, explorandi corporum diversâ puncta, sinus, foveas, asperitates superficiei, formas regulares aut irregulares suscipiendi retinendique haud capaces: & sic à gustus tactusque instrumentis veneris sensorium valdè diversum. Majorem affinitatem habere videtur cum facultate qua homo titillatione, affricu, ruit in cachinnos, cujus sensorium internum videtur diaphragma, cujusque effectum nullius rei sequitur perceptio, nulla idea, in quo differt ab aliis sensibus. Prætereà hæc facultas sensitiva quæ tactus libido seu voluptas vocari potest, nullum organum, nullum objectum peculiare habens, quibus sensus nomen sortiat, tunc meritò ex illorum numero excluditur. Idem non dici debet de veneris sensu: adest organum sensorium papillis nerveis in utroque sexu instructum, rei sensibilis externæ impressio, quæ sensorio communi transmittitur, nervorum motus ut in aliis, peculiaris textura, aggregatio; objectum peculiare cujus dotes, qualitates, typi percipiuntur, in mente remanent. Ut in aliis requiruntur nervorum integritas, frigoris absentia. Sicut alii, sopor maximi momenti gentis humanæ conservationi, efformationi, inservit. Non est tactus, gustus, olfactus, visus, auditus. Quid est? sensus peculiaris cujus proprium ut aliorum est sensibile objectum explorare, ejus qualitates quasdam insitas nervorum ope percipere, sensorio communi traducere, ut ex illa sensatione ejusdem objecti fiant impressio manens, qualitatum idea, perceptio; quod fit ex veneris sensus effectu.

V.

SED ut clariùs nostra elucidetur quæstio; supponatur homo sensibus quinque vulgaribus orbatus, solisque sensorii generationi dicatis probè instructus, & fortunâ venerem obviam adeat, quid fit? Sanè sensus veneris adest: leniter atteruntur hujus organo dispersi nervei processus mammillares, fit peculiaris impressio ex qua nascitur in mente idea calidi, mollis, lævis, typi convenientis, titillationis, exquisitæ voluptatis, & ex illo connubio, possessionis proprietatis idæ, novusque idearum ordo, quæ ab aliis sensibus suppeditari nequeunt. In somno renascuntur idæ, promethei cujusdam ignem rapientis imago, homo delusus veneris

phantasiâ, rem veneream exercere putat, fit eadem sensatio: sic de aliis sensibus.

Hæc satis ad communionem inter hunc sensum & alios stabiliendam, sed inter actionem ventriculi & uteri partiumque utrique concurrentium talis est analogia, ut præter sensum veneris, (quem Cl. *Le Cat* (a) castè ingeniosèque *immortalitatis degustationem* seu ad immortalitatem propensionem vocat) sunt uteri partiumque ipsius domini sensationes quæ nisi ventriculi affectibus consentiunt. Namque functionis magni momenti uterque officina, utrique os, appetitûs, famis, aut sitis cujusdam sedes; utrique fistula quâ fit alimenti ingestio; utrique appetitûs objectum, ingestis degustatio, error in appetitu, gradus in sensatione; saturatio; utrique sensoria, sed exquisitiori sensu pro generationis opere perficiendo prædita, quia nisi boni cujusdam suavissimi perceptione tractus fuisset homo, pro alieni bono nunquam libenter egisset. Humanum est pro se ipso agere; divinum autem pro aliò: hinc pro alterius fabricatione, novum quasi corpus animatum in corpore, alter microcosmus in homine, peculiare sensus voluptate suavissima imbuti requirebantur; tantæ molis erat humanam condere gentem.

Ergo Amor veneris sextus sensus dici potest.

DOMINI DOCTORES DISPUTATURI

M. Edmundus-Thomas
MOREAU.

M. Petrus-Ludovicus-Maria
MALOET.

M. Benjaminus Ludovicus
LUCAS DELAUREM-
BERT.

M. Joannes-Baptista THU-
RANT.

M. Carol. Geille DESAINT
LEGER. Eques, Con-
siliarius Medicus Regis or-
dinarius primi ordinis &
totius Equestris agminis
in exercitu Medicus pri-
marius.

M. Leander PEAGET, An-
tiquus Consiliarius Me-
dicus Regis ordinarius in
ejus Castellato.

M. Ludovicus-Petrus-Felix-
Renatus LE THIEUL-
LIER, Saluberrimæ Fa-
cultatis Decanus, Regis
Consiliarius & in Majori
Consilio, necnon in Ma-
gna Regiæ domus &
Franciæ Præsiduræ Me-
dicus ordinarius.

M. Antonius GARNIER.

M. Ludovicus-Guillelmus
LE MONNIER, Consilia-
rius Medicus Regis ordinarius
Primarius Regiarum Pa-
risiensis, Londinensis ac
Berolinensis Academiarum
Socius & in Horto Regio
Botanices Professor ac De-
monstrator.

Proponebat Parisiis JOANNES-JACOBUS PAULET, Occitanus,
Diocæsis Alefienfis, Doctor Medicus Monspelienfis, necnon Saluberrimæ
Facultatis Medicinæ Parisiensis Baccalaureus, Theses Auctor,
A. R. S. H. 1771. A SEXTA AD MERIDIEM.